



ODLUKA

o kriterijima i mjerilima za utvrđivanje redoslijeda za prijem kandidata za upis u prvu godinu prvog ciklusa studija na organizacionim jedinicama Univerziteta "Džemal Bijedić" u Mostaru u akademskoj 2017/2018. godini

Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog ciklusa studija na organizacione jedinice Univerziteta "Džemal Bijedić" u Mostaru, u akademskoj 2017/2018. godini.

Član 2.

Organizacione jedinice upisuju planirani broj studenata a prema kriterijima iz ove Odluke.

Organizacione jedinice mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

Član 3.

Rangiranje kandidata vrši se na osnovu ukupnog broja bodova dobijenih prema slijedećim kriterijima:

- a) **OPŠTI KRITERIJ** se odnosi na postignuti uspjeh u srednjem obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 10 bodova izuzev Fakulteta informacijskih tehnologija (najviše 5 bodova).
- c) **POJEDINAČNI KRITERIJ** (predmeti značajni za odgovarajući studij i/ili prijemni ispit) su utvrđeni odlukama visokoškolskih ustanova i navedeni su u članu 7. ove odluke, a vrednuju se sa najviše 15 bodova, izuzev Fakulteta informacijskih tehnologija i univerzitetskog studija Zdravstvena njega (najviše 30 bodova).

Član 4.

Broj bodova po osnovu opštег kriterija utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.

Član 5.

Po osnovu posebnog kriterija, kandidati dobijaju sljedeći broj bodova za osvojeno jedno od prva tri mesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:

**Kantonalno (entitetsko) takmičenje**

- | | |
|-----------------------|--------|
| 1. mjesto..... | 2 boda |
| 2. ili 3. mjesto..... | 1 bod |

Državno takmičenje

- | | |
|-----------------------|--------|
| 1. mjesto..... | 3 boda |
| 2. ili 3. mjesto..... | 2 boda |

Međunarodno takmičenje

- | | |
|-----------------------|----------|
| 1. mjesto..... | 5 bodova |
| 2. ili 3. mjesto..... | 4 boda |

Član 6.

Broj bodova po osnovu pojedinačnog kriterija utvrđuje se tako da se pojedinačna ocjena iz 2-4 predmeta značajnih za odgovarajući studij, utvrđena odlukom Naučno-nastavnih vijeća organizacionih jedinica (zaokružena na dvije decimale) množi sa brojem 3.

Bodovanje rezultata prijemnog ispita na organizacionim jedinicama na kojima se polaže vršit će se u skladu sa odlukama Naučno-nastavnih vijeća organizacionih jedinica.

Član 7.

Rangiranje kandidata na organizacionim jedinicama vršit će se prema sljedećim kriterijima:

AGROMEDITERANSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima na svim studijskim programima su: **hemija i biologija**.

EKONOMSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima su: **matematika i bosanski/hrvatski/srpski jezik**.



FAKULTET HUMANISTIČKIH NAUKA

- Akademski dodiplomski studij (*bachelor*) / I ciklus studija

Opći uspjeh

Predmeti koji se boduju po pojedinačnim kriterijima su sljedeći:

- **Bosanski jezik i književnost**

Predmeti koji se boduju po pojedinačnim kriterijima su: bosanski / hrvatski / srpski jezik i historija.

- **Engleski jezik i književnost**

Predmeti koji se boduju po pojedinačnim kriterijima su: engleski jezik i bosanski / hrvatski / srpski jezik.

- **Njemački jezik i književnost**

Predmeti koji se boduju po pojedinačnim kriterijima su: njemački jezik (ako student nije imao njemački jezik u srednjoj školi boduje se engleski jezik) i bosanski / hrvatski / srpski jezik.

- **Historija**

Predmeti koji se boduju po pojedinačnim kriterijima su: bosanski / hrvatski / srpski jezik i historija.

- **Komunikologija**

Predmeti koji se boduju po pojedinačnim kriterijima su: bosanski / hrvatski / srpski jezik i engleski jezik..

- **Turski jezik i književnost**

Predmeti koji se boduju po pojedinačnim kriterijima su: engleski jezik i bosanski/hrvatski/srpski jezik.

DVOPREDMETNI STUDIJSKI PROGRAMI:

- **Studijski program Bosanski jezik i književnost i komunikologija**

Predmeti koji se boduju po pojedinačnim kriterijima su: engleski jezik i bosanski / hrvatski / srpski jezik.

- **Studijski program Njemački jezik i književnost i engleski jezik i književnost**

Predmeti koji se boduju po pojedinačnim kriterijima su: engleski jezik, bosanski / hrvatski / srpski jezik i njemački jezik (ako student nije imao njemački jezik u srednjoj školi boduje se samo engleski jezik).

FAKULTET INFORMACIJSKIH TEHNOLOGIJA

- Akademski dodiplomski studij (*bachelor*) / I ciklus studija



Opći kriterij se odnosi na postignuti uspjeh u četverogodišnjem srednjem obrazovanju i donosi najviše 35 bodova. Broj bodova po osnovu općeg kriterija utvrđuje se tako da se prosječna ocjena (zaokružena na dvije decimale) iz svih predmeta (ne računajući ocjene mature) u svim razredima srednje škole množi sa brojem 7.

Posebni kriteriji se odnosi na priznanje stečeno za uspjeh u toku školovanja u srednjoj školi na takmičenjima iz poznavanja naučnih (stručnih) disciplina i donosi najviše 5 bodova, i osvojeno jedno od prva tri mesta na međunarodnim, državnim i kantonalnim (entitetskim) takmičenjima u poznavanju naučno-stručnih disciplina od značaja za studij (informatika). – skala iz člana 5. ove Odluke.

Napomena: Ukoliko je kandidat učestvovao na više takmičenja, u obzir se uzima samo jedno, kojim kandidat ostvaruje najviše bodova prema skali iz člana 5. ove Odluke. Bodovat će se samo takmičenja koja su realizovana u (su)organizaciji Kantonalnog pedagoškog zavoda, Republičkog pedagoškog zavoda RS-a, Federalnog ministarstva obrazovanja i nauke ili Udruženja "Informatičke olimpijade u BiH".

Pojedinačni kriterij- prijemni ispit, koji nije eliminatoran ali je obavezan. Po osnovu urađenog testa kandidat može dobiti najviše 30 bodova. Literatura za pripremu prijemnog ispita dostupna na <https://www.fit.ba/books/Informatika.pdf>.

GRAĐEVINSKI FAKULTET

- Akademski dodiplomski studij (bachelor) / I ciklus studija

Opći uspjeh

Posebni kriteriji navedeni u članu 5. ove Odluke.

Predmeti koji se boduju po **pojedinačnim kriterijima** su: **matematika i fizika** iz dva razreda srednjeg obrazovanja.

- Diplomski studij (master) / II ciklus studija

Uslovi za upis na diplomski studij (master) propisani su Pravilima studiranja na II ciklusu studija/diplomskom studiju na Univerzitetu "Džemal Bijedić" u Mostaru.

MAŠINSKI FAKULTET

- Akademski dodiplomski studij (bachelor) / I ciklus studija

Opći uspjeh

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

Predmeti koji se boduju po **pojedinačnim kriterijima** za sve studijske programe su: **matematika i fizika**.



NASTAVNIČKI FAKULTET

- Akademski dodiplomski studij (**bachelor**) / I ciklus studija
- **Psihologija i sociologija:**
 - Opći uspjeh,
 - **Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina, učešće na domaćim i međunarodnim stručnim i naučnim skupovima, učešće na domaćim i međunarodnim projektima;
 - Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**
- **Sport i zdravlje**
 - Opći uspjeh

Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

- **Konzervacijska biologija i ekologija**
 - Opći uspjeh
- **Hemija:**
 - Opći uspjeh
- **Razredna nastava:**
 - Opći uspjeh
- **Pedagogija:**
 - Opći uspjeh
- **Stručni studij iz oblasti sporta:**
 - Opći uspjeh u srednjoj školi.

PRAVNI FAKULTET

- Akademski dodiplomski studij (**bachelor**) / I ciklus studija
Opći uspjeh

Posebni kriteriji navedeni u članu 5. ove Odluke.

Predmeti koji se boduju po **pojedinačnim kriterijima** su: **bosanski / hrvatski / srpski jezik i historija.**



UNIVERZITETSKI STUDIJSKI PROGRAMI

- Akademski dodiplomski studij (**bachelor**) / I ciklus studija

- Poslovna informatika

Opći uspjeh

Posebni kriteriji navedeni u članu 5. ove Odluke.

Predmeti koji se boduju po **pojedinačnim kriterijima** su: **matematika i informatika**.

- Zdravstvena njega

Opći uspjeh

Pojedinačni kriterij se odnosi na **prijemni ispit** za redovne studente iz predmeta **biologija i hemija**, koji je obavezan, ali nije eliminatoran. Na osnovu urađenog ispita kandidat može ostvariti najviše 30 bodova.

Redovni samofinansirajući studenti i vanredni studenti ne polažu prijemni ispit.

- Dizajn interijera

Opći uspjeh

- Studijski program iz oblasti turizma

Opći uspjeh

Predmeti koji se boduju po **pojedinačnim kriterijima** su: **bosanski / hrvatski / srpski jezik i jedan strani jezik**.

Član 8.

Postupak za provođenje ove Odluke provode komisije koje imenuju organizacione jedinice.

Komisija je dužna obezbjediti tajnost ispitnog materijala i druge dokumentacije do okončanja prijemnog ispita.

Nakon provedene provjere, komisija je dužna utvrditi rang-listu kandidata i istu istaći na oglasnoj ploči organizacione jedinice, nakon što ih verifikuje Naučno-nastavno vijeće organizacione jedinice.

Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice u roku od 3 dana od dana objavljivanja liste. Naučno-nastavno vijeće utvrđuje konačnu listu, koju objavljuje na oglasnoj ploči narednog dana od dana usvajanja, sa naznakom broja do kojeg su kandidati stekli pravo upisa.

Član 9.

Studenti koji će se upisati u prvu godinu studija akademske 2017/2018. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

Detaljne informacije o mjestu i vremenu predaje dokumenata za upis, kao i druge relevantne informacije, biće objavljene na oglašnim pločama i web stranicama organizacionih jedinica.